

philippine studies

Ateneo de Manila University • Loyola Heights, Quezon City • 1108 Philippines

**Bagong Karnabal
Sine**

Mike L. Bigornia

Philippine Studies vol. 33, no. 3 (1985) 386

Copyright © Ateneo de Manila University

Philippine Studies is published by the Ateneo de Manila University. Contents may not be copied or sent via email or other means to multiple sites and posted to a listserv without the copyright holder's written permission. Users may download and print articles for individual, noncommercial use only. However, unless prior permission has been obtained, you may not download an entire issue of a journal, or download multiple copies of articles.

Please contact the publisher for any further use of this work at philstudies@admu.edu.ph.

<http://www.philippinestudies.net>
Fri June 27 13:30:20 2008

MIKE L. BIGORNIA

Bagong Karnabal

Naririto tayo sa department store:
Palasyo ng aliw at magagandang taong
May minorpinang ngiti at de-susing puso.
Bawat sulok ay peryante't hitanong kiosko,
Laging puno ang tsubibong eskaleytor,
Banda ng musiko ang luma't bagong produkto
Na inilalabas sa bodega't estante, gayundin
Ang salaping labas-masok sa abalang kaha.
Makaltasan man ang pawis at bulsa'y bumaligtad,
Agad itong babawiin ng dyambori't iskit
Ng mga artista at payaso, o di kaya'y
Ng samutsaring putahe't inumin sa fastfood.
Ang ganda nito, di iisa ang araw ng sirko,
At sa labas, bangkarote ang mundo.

Sine

Nagtititigan tayo kahit sa dilim
Upang ipadama sa isa't isa
Ang rubdob na malalim.

Bakit nga ba mangangamba?
Pipisilin ko ang iyong palad:
"Magtiwala ka, sinta."

Gaganti ka ng mariing anas:
"Ako'y nananabik."
At muling ipangangako ang lahat.

Pagdaka, ikaw ay hihilig
Sa aking balikat upang bugahan
Ng kimkim na luha at sakit.

Sa labas, nakangiti ang kapalaran
Habang tayo'y inuulan.